




1704

Bosnia and Herzegovina
Federation of Bosnia and Herzegovina
CANTON SARAJEVO
Cantonal Administration for Inspection Issues

Broj: 14-02-04-03842/26

Datum: 01. 07. 2026. godine

BOSNA I HERCEGOVINA
FEDERACIJA BOSNE I HERCEGOVINE
KANTON SARAJEVO
SKUPŠTINA KANTONA SARAJEVO
ul. Reisa Dž. Čauševića br. 1
71000 Sarajevo
N/r Elvedin Okerić, predsjedavajući



PREDMET: Odgovor na zastupničko pitanje, dostavlja se;
VEZA: Vaš akt, broj: 01-04-31246-17/26 od 23.06.2026. godine

Poštovani,

U skladu sa Vašim aktom, broj i datum veze, kojim ste nam dostavili zastupničko pitanje zastupnice Sebiye Izetbegović koje je uputila na 31. radnoj sjednici Skupštine Kantona Sarajevo, održanoj dana 17.06.2026. godine, a koje glasi:

" U skladu sa Poslovníkom Skupštine Kantona Sarajevo, a imajući u vidu javno dostupne informacije o podignutim optužnicama u okviru akcije „Koverta“, upućujem sljedeća zastupnička pitanja.

Povjerenje građana u institucije javne uprave počiva na zakonitosti, odgovornosti i integritetu državnih službenika. Posebno se to odnosi na lica koja obavljaju rukovodeće funkcije u organima uprave i institucijama Kantona Sarajevo, jer upravo od njih građani očekuju najviši stepen profesionalnosti i poštivanja zakona.

Prema javno dostupnim informacijama, u predmetu „Koverta“ podignute su optužnice, između ostalog, i protiv sljedećih državnih službenika:

- Dalila Hakalović, glavna prosvjetna inspektorica,
- Dženita Viteškić, pomoćnica ministra za visoko obrazovanje,
- Mersiha Sabaredžović-Klačar, sekretarka Vlade Kantona Sarajevo.

Imajući u vidu težinu optužbi i činjenicu da se radi o rukovodećim državnim službenicima, neophodno je utvrditi da li su nadležne institucije postupile u skladu sa zakonom i pravilima državne službe.

I. POSTUPANJE POSLODAVACA I RUKOVODILACA ORGANA

Molim da dostavite:

1. Da li su rukovodioci organa u kojima su zaposlena navedena lica donijeli rješenja o njihovoj suspenziji do okončanja krivičnog postupka?
2. Ukoliko jesu, molim da dostavite: datum donošenja rješenja, pravni osnov za donošenje rješenja, datum stupanja suspenzije na snagu.
3. Ukoliko nisu donesena rješenja o suspenziji, molim da dostavite: razloge zbog kojih nije pokrenut postupak suspenzije, pravni osnov na kojem je zasnovana takva odluka, ime i funkciju lica koje je donijelo odluku da se suspenzija ne izrekne.

II. PRIMJENA PROPISA O DRŽAVNOJ SLUŽBI

Molim da dostavite:

1. Da li su u predmetnim slučajevima primijenjene odredbe Zakona o državnoj službi u Kantonu Sarajevo koje regulišu pitanje suspenzije državnih službenika protiv kojih se vodi krivični postupak?
2. Da li su od Agencije za državnu službu, Ministarstva pravde i uprave ili drugih nadležnih organa tražena pravna mišljenja u vezi sa postupanjem u ovim slučajevima?
3. Ukoliko jesu, molim da se dostave kopije tih mišljenja.

III. POSTUPANJE UREDA ZA BORBUN PROTIV KORUPCIJE

Molim da dostavite:

1. Da li je Ured za borbu protiv korupcije i upravljanje kvalitetom Kantona Sarajevo pokrenuo bilo kakve aktivnosti, provjere ili analize nakon objavljivanja informacija o podignutim optužnicama?
2. Da li su procjenjivani rizici po integritet institucija u kojima navedena lica obavljaju funkcije?
3. Da li su nadležnim organima dostavljene preporuke za postupanje i koje?

IV. ZAŠTITA INTEGRITETA INSTITUCIJA

Molim da dostavite:

1. Koje mjere su poduzete kako bi se zaštitio integritet institucija i povjerenje građana u njihov rad do okončanja sudskih postupaka?
2. Da li su navedena lica i dalje uključena u procese odlučivanja, nadzora, inspeksijskih postupaka ili rukovođenja organizacionim jedinicama?
3. Da li je izvršena procjena mogućeg uticaja njihovog daljeg rada na zakonitost i kredibilitet institucija u kojima su zaposleni?",

obavještavamo Vas da se Kantonalna uprava za inspeksijske poslove Kantona Sarajevo, obzirom da je bila upoznata iz medija da je lišena slobode glavna kantonalna prosvjetna inspektorica Dalila Hakalović, te da su joj izrečene mjere zabrane, a da nije imala bilo kakvih zvaničnih informacija kao poslodavac od strane nadležnih institucija, obratila dana 29.12.2025. godine Kantonalnom

tužilaštvu Kantona Sarajevo, aktom broj: 14-01-30-07252/25 za dostavu informacija o statusu predmeta i izrečenim mjerama imenovanoj, a kako bi mogla postupati sukladno pozitivnim propisima u konkretnom slučaju.

Odmah po saznanju i zaprimanju obavijesti od strane Kantonalnog tužilaštva Kantona Sarajevo, u skladu sa članom 60. Zakona o organizaciji organa uprave u Federaciji Bosne i Hercegovine ("Sl. novine FBiH", broj 35/05), čl. 28. i čl. 61. st. (1) tačka a) i stava (3) Zakona o državnoj službi u Kantonu Sarajevo ("Sl. novine Kantona Sarajevo", br. 31/16, 45/19 i 6/25) i člana 84. Pravilnika o unutrašnjoj organizaciji Kantonalne uprave za inspeksijske poslove Kantona Sarajevo, Kantonalna uprava za inspeksijske poslove Kantona Sarajevo donijela je Rješenje, broj: 14-01-30-07251/25 od 07.01.2026. godine kojim se Dalili Hakalović određuje preventivna suspenzija iz državne službe, počev od 26.12.2025. godine, a koja traje do okončanja krivičnog postupka.

Od imenovane su izuzeti i službena iskaznica i značka, te deaktivirani domenski račun i elektronska pošta imenovane, a kako bi se spriječio bilo kakav vid zloupotrebe i zaštitio dignitet i kredibilitet ove uprave.

Navedeno Rješenje o preventivnoj suspenziji sa obrascem - Registar državnih službenika u skladu sa pozitivnim propisima dostavljeni su i Agenciji za državnu službu Federacije Bosne i Hercegovine, dana 13.01.2026. godine.

Takođe, protiv imenovane je pokrenut i disciplinski postupak, Rješenjem, broj: 14-01-30-01342/26 od 25.02.2026. godine sukladno odredbama Uredbe o pravilima disciplinskog postupka za disciplinsku odgovornost državnih službenika u organima državne službe u Kantonu Sarajevo ("Sl. novine Kantona Sarajevo", br. 22/20, 23/22 i 43/26), te Zakona o državnoj službi Kantona Sarajevo ("Sl. novine Kantona Sarajevo", br. 31/16,45/19 i 6/25).

S poštovanjem,

Dostavljeno:

1. Naslovu
2. Premijer Vlade Kantona Sarajevo
3. Sekretar Skupštine Kantona Sarajevo
4. Sekretar Vlade Kantona Sarajevo
5. a/a



